

文

通

文通卷之八

明黃岡朱荃宰咸一父著

表

釋名曰下言上曰表思之於內表施於外也書曰官師相規工執藝事以諫

李克翰林論曰表宜以遠大爲本不以華藻爲先若曹子建之表可謂成文矣諸葛之表劉主裴公之辭侍中羊公之讓開府可謂德音矣

表者標也明也標著事緒使之明白以告乎上也古

者獻言於君。皆稱上書。漢制其三曰表。然但用以陳

請而已。後世其用寢廣。有論諫。有請勸。勸進有陳乞。

待罪同

有進

進書如唐蕭穎士爲陳正卿進續尚書

宋竇儀進刑統之類是也。

獻獻物

有推薦。有慶賀。有

慰安。有辭。

辭官

解。

解官如晉殷仲文解尚書表是也

有陳謝。

謝官謝上賜

有訟理。有彈劾。

漢諸葛亮有廢

李平表

所施旣殊。其詞亦異。體則漢晉多用散文。唐

宋多用四六。而唐宋之體又自不同。唐人聲律時有

出入而不失乎雄渾之風。宋人聲律極其精切。而有

得乎明暢之旨。蓋各有所長也。然有唐宋人而爲古體者。有唐人而爲宋體者。此又不可不辯。曰古體曰唐體曰宋體。宋人又有笏記。書詞於笏。以便宣奏。蓋當時面表之詞也。然表文書於牘。則其詞稍繁。笏記宜於廷。則其詞務簡。又二體之別也。

文心曰。禮有表記。謂德見儀。其在器式。揆景曰表。章表之目。蓋取諸此也。按章表奏議。經國之樞機。然闕而不纂者。乃各有故事。而在職司也。前漢表謝遺篇。寡存。及後漢察舉。必試章奏。左雄奏議臺閣爲式。胡

廣章奏天下第一、並當時之傑筆也。觀伯始謁陵之章、足見其典文之美焉。昔晉文受冊、三辭從命、是以漢末讓表、以三爲斷。曹公稱爲表不止三讓、又勿得浮華、所以魏初表章、指事造實、求其靡麗、則未足美矣。至於文舉之薦禰衡、氣揚采飛、孔明之辭後主、志盡文暢、雖華實異旨、並表之英也。琳瑯章表、有譽當時。孔璋稱健、則其標也。陳思之表、獨冠群才。觀其體贍而律調、辭清而志顯、應物掣巧、隨變生趣、執轡有餘、故能緩急應節、逮晉初筆札、則張華爲儔、其三讓

公封理周辭要引義比事必得其偶世珍鷦鷯莫顧  
章表及羊公之辭開府有譽於前談庾公之讓中書  
信美於往載序志顯類有文雅焉劉琨勸進張駿自  
序文致耿介並陳事之美表也原夫章表之爲用也  
所以對揚王庭昭明心曲旣其身文且亦國華章以  
造闕風矩應明表以致禁骨采宜耀循名課實以章  
爲本者也是以章式炳賁志在典謨使要而非略明  
而不淺表體多包情僞屢遷必雅義以扇其風清文  
以馳其麗然懇慙者辭爲心使浮侈者情爲文使繁

約得正。華實相勝。唇吻不滯。則中律矣。子貢云。心以制之言。以結之。蓋以辭意也。荀卿以爲觀人美辭。麗於黼黻。文章亦可以喻於斯乎。

今制百官陳事於皇帝曰表。曰奏。曰題。太皇太后皇太后亦如之。於皇太子曰箋。曰啓。皇后亦如之。

會典

讓表  
讓表。讓遜也。書曰。舜讓于德弗嗣。

作表平反。貴調平反不調。其病有四。曰平頭。曰犯尾。

曰雙聲。曰疊韻。

朱謝莊云。互護爲雙聲。倣礪爲疊韻。

平頭如巍巍龍鳳之姿。明明天日之表之類是也。謂

兩句起頭便同韻故也

犯尾如剛健中正句下却有  
居九重而凝命是也詩曰  
鸛鷖在東又曰鸛鷖在梁  
此雙聲之所由起古詩月影侵簷冷紅光逼履清此  
疊韻之所由來作表最忌有此

對待  
貴切

六法

作表對待貴切對待之法有六  
一曰正名對天地日月是也  
二曰同類對瓊琚玉石是也  
三曰連珠對明  
明赫赫是也四曰借字對  
伍相千軍是也伍乃是姓  
千乃是數五曰就句對  
一麾伍部餘十載以臨民  
白首丹心歸彤庭而遇主  
是也六曰不對之對自有生



賀

民以來未如今日之盛是也。務須宮羽相變低昂異節。若前有浮聲則後宜切響。使一篇之內音韻截然兩句之中輕重各別。則庶乎其有得矣。

作表格式

作表稱頌君上處於茲蓋伏遇恭惟之下擬當今之表則書

皇帝陛下。唐宋則作四圈而不可混書敗事。

賀

某年某月某日恭遇或伏覲或伏遇

在外守臣則稱恭聞

云者臣等誠歡誠忭稽首頓首上言伏以云

云茲蓋伏遇

皇帝陛下

云

臣等無任瞻

天仰

聖激切屏營之至謹奉

表稱

賀以

聞

進

某年某月某日臣謹以所撰某書

進呈者

云

臣

誠惶誠恐稽首頓首上言伏以

云

云

茲葢伏遇

皇帝陛下

云

臣

云

云

無任瞻

天仰

聖激切屏營之至謹以某書隨

表上

進以

聞

辭 謝

謝

辭

某年某月某日臣伏蒙

聖恩以臣爲某官者或賜臣以某物者臣誠惶誠恐

云 同前

云

結尾臣無任瞻

天仰

聖感戴屏營之至謹奉

表稱

文通

卷之八

身

六

謝

或稱辭

以

聞

諫

請

某年某月某日具官臣某言

云

臣某惶懼惶

懼頓首頓首竊以

云

同前

謹奉

表陳

請

或上諫

以

聞

四段

賀祥瑞凡四段

一破題

二解題

三頌聖

四述意

三段

賀正旦冬至聖節登極立后建儲等表皆三段

一破題

二誦聖

三述意

凡謝表皆四段

一破題

二自述

三頌聖

四述意

進書表凡四段

一破題

二解題

述或自

三頌聖

四述意

進貢物表凡四段

一破題

二頌聖

三入事

或先入事

四述意

牋

說文云牋表識書也

緣起曰牋漢護軍班固說東平王牋

文心雕龍曰箋記之爲式旣上窺乎表亦下睨乎書使敬而不憚簡而無傲清美以惠其才彪蔚以文其響蓋箋記之分也

牋者表也識表其情也字亦作箋古者君臣同書至東漢始用牋記公府奏記郡將奏牋若班固之說東平黃香之奏江夏是也時太子諸王大臣皆得稱牋



後世專以上皇后太子、於是天子稱表、皇后太子稱  
牋、而其他不得用矣、其詞有散文有儷語、

今制奏事太子諸王稱啟、而慶賀則皇后太子仍並  
稱牋云、

## 頌

詩序曰、頌者美盛德之形容、以其成功告於神明也。  
蒸民吉甫美宣王也。其詩曰吉甫作頌、穆如清風。  
陸機文賦曰、頌則優游以彬鬱。

摯虞文章流別傳曰、頌詩之美者也。古者聖帝明王、  
成功治定而頌聲興。於是史錄其篇、工歌其章、以奏  
于宗廟、告于神明。故頌之所美、則以爲名、或以頌形。  
或以頌聲。其後已非古頌之意。昔班固爲安豐戴侯  
頌、史岑爲出師頌、和僖鄧后頌、體意相類、而文辭之

變

文通

卷之八

異古今之變也。揚雄趙充國頌，頌而似雅。傳毅顯宗頌，文與周頌相似，而雜以風雅之意。若純爲今賦之體，而謂之頌，失之遠矣。

詩有六義，其六曰頌。頌者容也，所以揚厲休功也。若商之那，周之清廟，諸什皆以告神，乃頌之正體也。至於魯頌駉閟等篇，則用以頌僖公，而頌之體變矣。後世所作皆變體也。其詞或用韻語，又有哀頌，則任昉所稱漢張弦初作陶侯哀頌是已。今其文雖未及見，而竊意大體與哀贊略同。

變

野頌

四始之至。頌居其極。昔帝嚳之世。咸黑爲頌。以歌九  
韶。自商已下。文理允備。夫化偃一國。謂風。風正四方。  
謂雅。容告神明。謂頌。風雅序人事。兼變正。頌主告神。  
義必純美。魯國以公旦次編。商人以前王追錄。斯乃  
宗廟之正歌。非燕饗之常詠也。時邁一篇。周公所製。  
哲人之頌。規式存焉。天民各有心。勿壅惟口。晉輿之  
稱原田。魯民之刺裘鞞。直言不詠。短辭以諷。丘明子  
高。並謀爲誦。斯則野誦之變體。浸被乎人事矣。及三  
閭橘頌。情采芬芳。比類寓意。又覃及細物矣。至於秦

政刻文。爰頌其德。漢之惠景。亦有述容。汾世並作相。  
繼於時矣。若夫子雲之表充國。孟堅之序戴侯。仲武  
之美顯宗。史岑之述熹后。或擬清廟。或範駟那。雖淺  
深不同。詳略各異。其褒德顯容。典章一也。至于班傳  
之北征西逝。變爲序引。豈不褒過而謬體哉。馬融之  
廣成上林。雅而似賦。何弄文而失質乎。又崔瑗文學。  
蔡邕樊渠。並致美於序。而簡約乎篇。摯虞品藻。頗爲  
精覈。至云雜以風雅。而不變旨趣。徒張虛論。有似黃  
白之僞說矣。及魏晉辨頌。鮮有出轍。陳思所綴。以皇

子爲標、陸機積篇、惟功臣最顯、其褒貶雜居、固末代之訛體也。原夫頌、惟典雅、辭必清鑠、敷寫似賦、而不入華侈之區、敬慎如銘、而異乎規戒之域、揄揚以發藻、汪洋以樹義、唯纖曲巧致、與情而變、其大體所底如斯而已。

# 章

釋名曰。下言章。上言表。思之於內。施之於外也。

章秦丞相李斯作蒼頡章。

古言曰。章者文之成。句者辭之絕。章者明也。總義也。包體以明情也。句者局也。聯字分疆以局言也。聯字成句。聯句成章。積章成篇。積篇成帙。

上章

緣起曰上章孔融上章謝太中大夫

獨斷曰章者需頭稱稽首上書謝恩陳事請闕通者也

雕龍曰設官分職高卑聯事天子垂珠以聽諸侯鳴玉以朝敷奏以言明試以功故堯咨四岳舜命八元固辭再讓之請俞往欽哉之授並陳辭帝庭匪假書翰然則敷奏以言則章表之義也明試以功卽授爵之典也至太甲旣立伊尹書誠思庸歸亳又作書以



續文翰獻替事斯見矣周監二代文理彌盛再拜稽  
首對揚休命承文受冊敢當丕顯雖言筆未分而陳  
謝可見章者明也詩云爲章于天謂文明也其在文  
物赤白曰章

啓

說文曰啓傳信也

服虔通俗文曰官信曰啓

張璠漢紀曰董綽平三臺尚書以下自詣事啓事然後得行

緣起曰啓晉吏部郎山濤作選啓啓者開也高宗云啓乃心沃朕心取其義也孝景諱啓故兩漢無稱至魏國箋記如云啓聞奏事之末或謹密啓自晉來盛啓用兼表奏陳政言事既奏之異條讓爵謝恩亦表

之別幹必斂散入規。促其音節。辯要輕清。文而不侈。亦啓之大略也。又表奏确切。號爲讜言。讜者偏也。王道有偏乖乎蕩蕩其偏。故曰讜言也。孝成稱班伯之讜言。貴直也。自漢置八儀。密奏陰陽。阜囊封板。故曰封事。鼂錯受書。還上便宜。後代便宜多附封事。慎機密也。夫王臣匪躬。必吐蹇諤。事舉人存。無待泛說。天地間無獨必有偶。二曜列宿。其類相旋爲偶。海嶽木石。其類相對爲偶。火水其類相制爲偶。方圓小大修短。有無其類相反覆爲偶。形影聲響。魂魄性情。其

類相生相合爲偶。皇帝王霸世界相遞爲偶。儒墨道術相持爲偶。風雲鳥蛇偶於陣。律呂吉凶偶於禮樂。道自並行。物自並育。天地間無非偶也。上下千古。其人之遭遇有絕相似者。薄海內外。其事之希奇有巧相值者。六籍百家。鳥書龍藏。其理不相入。其言不相蒙。而連類比事。依韻偕聲。合而爲文。有若天降地設。大易文字之始。而圖畫爻象。陰陽縱橫。無非偶儷。由此觀之物相雜。曰文。成文曰章。謂駢偶之文盛。而渾噩之氣衰。此何異。杞源中人不知有漢。何論魏晉。

率天下之人盡去律體而從古詩此必不可之事也。六朝靡靡昌黎振之何仲默以爲古文亡於韓陸敬輿疏劄不廢唐調古今以爲名言而蛾眉狐媚十世九人之詞遂使女主嗟歎天下傳誦夫非四六體耶。大抵唐宋以下國家訓誥典冊率皆駢語況章表通於下情牋疏陳於宗敬所由來矣。歐陽永叔有言往時作四六者多用古人語及廣引故事以銜博近惟子瞻述叙委曲精盡不減古人其對待如雙蛾積雪其層疊如劒門隱天其相錯如蜀錦其轉變如巴流

鍊若涪水之鋒。叶若琴臺之響。學以濟其才。約以該其博。庶幾六朝鴈行矣。

# 奏

書曰、敷奏以言、奏書之義也。

陸士衡文賦云、奏平徹以閑雅。

漢書、離字曰、秦初之制、改書爲奏。又曰、群臣奏事、皆爲兩通、一詣后、一詣帝。

奏、疏者、群臣論諫之總名也。奏御之文、其名不一。故以奏疏括之也。七國以前、皆稱上書。秦初改書曰奏。漢定禮儀、則爲四品、一曰章、以謝恩、二曰奏、以按劾、三曰表、以陳請、四曰議、以執異。然當時奏章、或上災

異則非專以謝恩。至於奏事亦稱上疏。則非專以按劾也。又按劾之奏別稱彈事。尤可以徵彈劾爲奏之一端也。又置八儀密奏陰陽皂囊封板以防宣泄。謂之封事。而朝臣補外。天子使人受所欲言。及有事下議者。並以書封。則漢之制豈特四品而已哉。然自秦有天下。以及漢孝惠。未聞有以書言事者。至孝文開廣言路。於是賈山言治亂之道名曰至言。則四品之名亦非叔孫通之所定明矣。魏晉已下。啟獨盛行。唐用表狀亦稱書疏。宋人則監則制而損益之。故有劄



類子

子有狀有書有表有封事而劄子之用居多。蓋本唐人榜子之制而更其名乃一代之新式也。其目有八曰奏奏者進也。曰奏疏疏者布也。漢時諸王官屬於其君亦得稱疏曰奏對曰奏啟啟者開也。曰奏狀狀者陳也。狀有二體散文儷語是也。曰奏劄劄子者刺也。曰封事曰彈事疏對啟狀劄皆曰奏者何與臣下私相對劄往來之詞不同也。奏啟人規而忌侈文彈事明憲而戒善罵世人所作多失折衷。

今制論政事者曰題陳私情者曰奏皆謂之本以及

讓官謝恩並用散文。間爲儷語。亦同奏格。至於慶賀。雖倣表詞。而首尾亦與奏同。唯史館進書。全用表式。然則當今進呈之目。唯本與表二者而已。華百王之雜稱。減中世之儷語。此我朝之所以度越也。

經籍志曰。古人臣言事。皆稱上書。嬴秦改書爲奏。至漢章奏表議定爲四品。其流一也。三代君臣面相獻替。而伊周書誥已盈簡牘。迨世益下。簾遠堂高。所以披見情愫。覺悟主心者。賴有此耳。世稱左雄胡廣奏議第一。文舉孔明志暢辭美。不獨身文所在。抑亦國

華繁之故足重也。世人經世無術，競於詆訶吹毛取瑕，次骨爲疾。夫能闢禮門以懸規，標義路而植矩，自令踰垣者折肱，捷徑者滅趾，亦何必躁言醜句，詬病爲切哉？書曰：辭尚體要，體要並鑒。辭則何觀？漢志：稅文靡細，不錄。至於經國樞機，闕而不纂，何哉？

水東日記曰：國朝之制，臣民奏事稱奏本，後以奏本用長紙，字畫必依洪武正韻，又用計字數。千後舍鄭重而從簡便，改用題本，則不然矣。然題本多在內衙門公事。若在外并自陳已事，則仍用奏本。

東駕則稱啟本宣廟每呼本爲朱子嘗見傳旨中云然

文心曰昔唐虞之臣敷奏以言秦漢之輔上書稱奏陳政事獻典儀上急變劾僭謬總謂之奏奏者進也言敷于下情進于上也秦始立奏而法家少文觀王綰之奏勲德辭質而義近李斯之奏驪山事略而意逕政無膏潤形於篇章矣自漢以來奏事或稱上疏儒雅繼踵殊采可觀若夫賈誼之務農鼂錯之兵事匡衡之定郊王吉之觀禮溫舒之緩獄谷永之諫仙

理既切至辭亦通暢可謂識大體矣後漢群賢嘉言  
罔伏楊秉耿介於災異陳蕃憤懣於尺一骨鯁得焉  
張衡指摘於史職蔡邕銓列於朝儀博雅明焉魏代  
名臣文理迭興若高堂天文黃觀教學王朗節省甄  
毅攷課亦盡節而知治矣晉氏多難災屯流移劉頌  
殷勤於時務溫嶠懇切於費役並體國之忠規矣夫  
奏之爲筆固以明允篤誠爲本辨析疏通爲首強志  
足以成務博見足以窮理酌古御今治繁總要此其  
體也若乃按劾之奏所以明憲清國昔周之太僕繩

愆糾繆秦之御史職主文法漢置中丞總司按劾故  
位在摯擊砥礪其氣必使筆端振風簡上凝霜者也  
觀孔光之奏董賢則實其奸回路粹之奏孔融則誣  
其釁惡名儒之與險士固殊心焉若夫傳咸勁直而  
按辭堅深劉隗切正而劾文濶略各其志也後之彈  
事迭相斟酌惟新日用而舊準弗差然函人欲傷術  
在糾惡勢必深峭詩刺讒人投畀豺虎禮疾無禮方  
之鸚猩墨翟非儒目以豕彘孟軻譏墨比諸禽獸詩  
禮儒墨旣其如茲奏劾嚴文孰云能免哉是以立範

運衡宜明體要。必使理有典刑。辭有風軌。總法家之  
式。秉儒家之文。不畏強禦。氣凌沮墨中。無縱詭隨。聲動  
簡外。乃稱絕席之雄。直方之舉耳。

題

吾學篇曰今制凡下所上一曰題二曰奏啟三曰表  
箋四曰講章五曰書狀六曰文冊七曰揭帖八曰制  
對九曰露布十曰譯皆審署申覆而修畫焉平允迺  
行之



奏記

奏記漢江都相董仲舒詣公孫弘奏記

# 封事

封事、漢魏相奏霍氏專權封事、封事、慎機密也。  
杜工部曰、明朝有封事、數問友如、  
今制通政司專主封駁、視古之結言。

上疏

上疏漢中大夫東方朔

自漢以來奏事或稱上疏師古曰疏者疏條其事而  
言之

薦

薦後漢雲陽令朱雲薦伏湛薦舉也進也舉其功能而進之於上也

文通

卷之八

薦

十五

# 揭帖

今制奏本之副者。投閣部稱揭帖。揭者。曉也。曉然明之也。有司投監司亦稱之。常覽病榻遺言。拱等跪榻前。太監某以白紙揭帖授

皇太子。稱遺詔。又以白紙揭帖授拱。內曰云云。又曰

吏姚曠手持紅紙套內有揭帖半寸許厚。封緘完固。張答云。乃遺詔事宜耳。則遺詔亦稱揭帖矣。

## 彈文

彈文晉冀州刺史王深集彈文彈按劾也按其罪狀而劾治之也文心雕龍曰按劾之奏所以明憲清國昔周之太僕繩愆糾繆秦之御史職主文法漢置中丞總司按劾故位在驚擊砥礪其氣必使筆端風振簡上霜凝者也

彈事明憲而戒善罵

文通卷之九

明黃岡朱荃宰咸一著

策

策著也。史記龜策傳：龜爲卜，策爲筮。注疏云：筮以謀筴爲事，言用此物以謀於前事也。或作蒻，通作冊。漢書萬世之長冊。

說文云：策者，謀也。籌也。策先定則有功。漢書音義曰：作簡策難問，例置案上，在試者意投射取而答之，謂之射策。若錄政化得失顯而問之，謂之對策。天子臨

進策

軒策士而有司亦以策舉人其制迄今用之又學士大夫有私自議政而上進曰進策均謂之策而體各不同一曰制策天子稱制以問而對者也二曰試策有司以策試士而對者也三曰進策著策而上進者也唐白居易宋曾鞏有本朝政要策蓋當時進士帖槧之類夫策之體練治爲上摘文次之然人才不同入彀者爲通才嗚呼難矣

漢時射策對策其事不同蕭望之傳註云射策者謂爲難問疑義書之于策量其大小署爲甲乙之科列



策

而置之。不使彰顯。有欲射者。隨其所取得而擇之。以知優劣。射之言。投射也。對策者。顯問以政事經義。令各對之。以觀其文辭。定高下也。晉史潘京爲州所辟。謁見問策。探得不孝字。刺史戲曰。辟士爲不孝邪。答曰。今爲忠臣。不得爲孝子。亦射策遺法耳。

制策者。今廷試之策也。試策者。今鄉會場五問之策也。常以試錄爲楷。

鄭端簡古言曰。策莫盛於漢。漢策莫過於晁大夫。晁就事爲文。文簡徑明暢。事皆鑒鑒可行。賈太傳不及。

也。文中子曰：洋洋乎晁董公孫之對，有旨哉。

對策者，應詔而陳政也。射策者，探事而獻說也。言中理準，譬射侯中的，二名雖殊，卽議之別體也。古之造士，選事考言。漢文中年，始舉賢良，鼂錯對策，蔚爲舉首。孝武益明，旁求俊乂，對策者以第一登庸。射策者以甲科入仕。斯固選賢要術也。觀鼂氏之對，證驗古今，辭裁以辨，事通而瞻，超升高第，信有徵矣。仲舒之對，祖述春秋，本陰陽之化，究列代之變，煩而不愚者，事理明也。公孫之對，簡而未博，然總要以約，文事切

而情舉所以太常居下而天子擢上也杜欽之對  
而指事辭以治宣不爲文作及後漢魯丕辭氣質素  
以儒雅中策以入高第凡此五家並前代之明範也  
魏晉已來稍務文麗以文紀實所失已多及其來選  
又稱疾不會雖欲求文弗可得也是以漢飲博士而  
雉集平堂晉策秀才而磨與于前無他怪也選失之  
異耳夫駁議偏辨各執異見對策揄揚大明治道使  
事深於政術理密于時務酌三五以鎔世而非迂緩  
之高談馭權變以極俗而非刻薄之僞論風恢恢而

能遠流洋洋而不溢王庭之美對也難矣哉士之爲  
才也或練治而寡文或工文而疎治對策所選實屬  
通才志足文遠不其鮮歟

論

李充曰、研玉名理、而論難生焉、論貴於允理、不求支離、若嵇康之論文矣、

說文云、論者議也、倫也、蕭統選文分區爲三、設論居首、史論次之、論次之、較劉勰說差爲未盡、惟設論則勰所未及、而乃取荅客難、荅賓戲、解嘲三首以實之、夫文有荅有解、已各自爲一體、統不明言其體、而槩謂之論、豈不誤哉、然詳勰之說、似亦有未盡者、愚謂析理亦與議說合契、諷寓則與箴解同科、設辭則與

問對一致要此八者庶幾盡之今兼二子之說廣未  
盡之例列爲八品曰理論曰政論曰經論曰史論  
議述贊曰文論曰諷論曰寓論曰設論其題或曰某  
二體論則各隨作者命之無異議也

聖哲彝訓曰經述經叙理曰論論者倫也倫理有無  
聖意不墜昔仲尼微言門人追記故仰其經目稱爲  
論語蓋羣論立名始於茲矣自論語已前經無論字  
六韜二論後人追題乎詳觀論體條流多品陳政則  
與議說合契釋經則與傳注參體辨史則與贊評齊

行銓文則與叙引共紀故議者宜言說者說語傳者  
轉師注者主解贊者明意評者平理序者次事引者  
胤辭八名區分一揆宗論論也者彌綸羣言而研精  
一理者也是以莊周齊物以論爲名不韋春秋六論  
昭列至石渠論藝白虎通講聚述聖言通經論家之  
正體也及班彪王命嚴尤三將敷述昭情善入史體  
魏之初霸術兼名法傅嘏王粲校練名理迄至正始  
務欲守文何晏之徒始盛玄論於是聃周當路與尼  
父爭塗矣詳觀蘭石之才性仲宣之去代叔夜之辯

聲太初之本、玄輔嗣之、兩例平叔之二論、竝師心獨  
見、鋒穎精密、蓋人倫之英也。至如李康運命、同論衡  
而過之、陸機辯亡、效過秦而不及、然其美矣。次及宋  
岱郭象、銳思於機神之區、夷甫裴頠、交辯於有無之  
域、竝獨步當時、流聲後代。然滯有者、全繫於形用、貴  
無者、專守於寂寥、徒銳偏解、莫詣正理、動極神源、其  
般若之絕境乎。逮江左羣談、惟玄是務、雖有日新而  
多、抽前緒矣。至如張衡譏世、韻似俳說、孔融孝廉、但  
談嘲戲、曹植辯道、體同書抄、言不持正、論如其已、原



夫論之爲體所以辯正然否窮有數追無形迹堅求  
通鈎深取極乃百慮之筌蹄萬事之權衡也故其義  
貴圓通辭忌枝碎必使心與理合彌縫莫見其隙辭  
共心密敵人不知所乘斯其要也是以論如析薪貴  
能破理斤利者越理而橫斷辭辯者反義而取通覽  
文雖巧而檢跡如妄惟君子能通天下之志安可以  
曲論哉若夫注釋爲詞解散論體雜文雖異總會是  
同若秦君延之注堯典十餘萬字朱普之解尚書三  
十萬言所以通人惡煩羞學章句若毛公之訓詩安

國之傳書康成之釋禮王弼之解易要約明暢可謂  
式矣

## 經義

說文義从我美省。人言之。我斷之爲美也。禮記有冠義諸篇。唐取士有明經一科。而無其義。宋因之。不過試以墨書帖義。至王安石撰周禮詩書三經義頒行。試士舊法始變。彼固欲以已說一天下士。高視一世。他如思退賣國之奸。止齊衰世之文。而至今倣之爲鼻祖焉。經義可見者。文鑑所載張庭堅二篇。及楊思退陳傳良者。皆深沉博雅。絕無駢儷之習。自是正始。而考古者止于國初。猶張博望窮崑崙爲河源。此丘

文莊所以歎科舉之弊也。

讀書  
高廟看書。議論英發。排朱文公集註。儒臣進講。必有辯說。呼朱熹爲宋家迂濶老儒。如辨夷狄有君。攻乎異端。使民無訟。皆出天縱不襲故常。漢唐以來人主所不及也。

國朝開科自洪武三年始。定條例自十七年始。先是試文尚仍元制。刻程文自二十一年始。先是止錄姓名。編貫試錄定式。又自二十四年始。

初試經義二道。四書一道。二場論一道。三場策一道。

五事

成弘

犯諱

命題

後十日復以騎射書算律五事試之中式准送會試  
後定爲第一場四書義三道經義四道第二場論一  
道表一道詔誥各一道判五道第三場策五道萬曆  
間奏准俱照成弘間文體盡黜浮靡之弊經義限五  
百字多者不錄程式文字卽以士子純正典實者不  
許主司代作其不甚妥當稍爲更飾毋掩本文卷則  
糊名易書迴避

御名廟諱其條例詳載會典

杜靜臺曰士子得所命之題必先定其格局此題當

文通

卷之九

經義

八

鍊格

一滾

連珠

爲某格。其分截何在。其綱領何在。其節目何在。其始也當題掇。不當題掇。其中也當過接。不當過接。其終也當繳轉。不當繳轉。當咏嘆。不當咏嘆。某兩股當畧。當藏。某兩股當詳。當顯。題語雖多。或當輕而講少。題語雖少。或當重而講多。繁簡斷續。瞭然定于胸中。故一舉營扎。尅時而成文。然文格不可以數計也。其難者有六。一曰一滾格。如明珠滾盤。而不出于盤。有詳略而無斷續也。荆川先生此謂國篇亞飯。千適楚篇是也。二曰連珠格。如一線穿珠。珠雖有敘。而線則相

中紐

兩活

兩扇

影對

連若斷而不斷。若續而不續。中無過接之痕也。荆川先生可以爲難半篇。清斯濯纓半篇。可以意會也。三曰中紐格。如對胸之衣中用一紐。荆川先生匹夫而有天下者。篇是也。四曰兩活扇格。如立則見其參於前二句。題中雖以立與分作兩小扇。而前面合起二小股。後面必又合咏二小股。前後圓活。不定拘定兩大扇死局也。五曰兩扇遙對格。前扇不作小股。惟用散文。或長短句。或頂針語。或三疊文。一氣呵成。而無排偶。直待後扇遙對之也。六曰影喻格。如譬如北辰

二句題當以無爲天下歸作主。而間以辰君星拱點影於其中。若鏡中之花。水中之月也。其餘有上生下。格有下承上。格有下明上。格有下原上。格有下贊上。格有上開下。闔格有上闔下。開格有上重下。輕格有上輕下。重格有上呼下。應格有輕引重。釋格有重本輕。証格有重証。輕喻格有重主。輕賓格有一頭兩腳。格有兩頭一脚。格有一頭兩腹一脚。格有一頭一項。三腹一脚。格有頭虛脚實。格有三扇先奇。格有三扇先偶。格此皆格之易者也。



馮脩吾曰。今士之舉於鄉會者。錄其文。咸曰中式。所謂式者。舉業之體格。猶匠氏之規矩也。匠氏不廢規矩。而從木之曲直。文士不廢體格。而從體之難易。曰棟曰梁曰柱曰楹曰椽曰桷。豈惟不可移易。卽分寸不合。非良工也。曰破曰承曰起。講曰泛。講曰平。講曰過。文曰束。綴曰大。小結。豈惟不可錯雜。卽氣骨稍不。比。非作手也。故破欲含。或斷。或順。須含蓄。而不偏遺。承欲緊。或束。或解。須脫悟。而不訓釋。起講欲新。或對。或散。須見題。而題不露。泛講欲特。或承。或挈。須露題。

今日崇子書皆相反此成弘之所以不復見也

而題不盡平。講欲實詞出經典。余按舉業文字只應

用六經語。不應用于史語。此自是王制違者。便非法

門。令純正而股必紆長過文。欲融意會上下。令脫化

而體不間隔。繳束欲健。或照應題中。或推開題外。令

自盡而語有餘。思小結大結。欲古或引據經傳。或自

發議論。令精潔而言非註脚。此舉業之上式也。

袁了凡曰。八股文字與天地造化相伴。首二比春也。

次二比夏也。次二比秋也。東二比冬也。首二比是春

則生而未成。虛而未實。常中中融融。輕描淡抹。不可

四時  
之氣  
備矣

帶一分粗糙。次二比是夏。當承前二比。漸漸說開來。邵子謂天地之大。寤在夏。文之大。寤實在腹也。至秋則生者成。虛者實矣。文可反覆馳騁矣。然亦須養後天。先不可說盡也。末二比是冬。一年好景全在收拾處。回陽氣於陰極之時。發生機於凍剝之後。篇章將竭。而令人讀之。有不窮之趣。此文之大機括也。

鍊格

袁了凡云。文字先須鍊格。格鍊則規模自別。便能出人頭地。文有俗格。宜鍊之而雅。腐格。宜鍊之而新。板格。宜鍊之而活。

正奇

水平  
箭  
湯  
打空  
說鬼  
話

鄧定宇云。文章家有正。有奇。題應上下做。虛實做。輕重做。對做。串做。斷做。認理典則。此便是正。若做得有把捉。有挑剔。有點綴。有起伏。照應。有體認。發揮。舒精發蘊。此便是奇。今人以淺薄疎庸爲正。却喚做水平。箭豆腐湯。以險怪迂誕爲奇。却喚做打空拳。說鬼話。不知文章家正不如此。所謂智者賢者過之。愚者不肖者不及也。

陶石簣曰。明與百家黜而六籍尊。詩賦停而明經重。箋疏廢而傳注專。其岐愈窒。軌愈端。而途益加約。一

王唐  
瞿薛

正始

道同風於斯爲盛而博士家所祭酒者爲王唐瞿薛  
其文若爰書之傳法律而不可出入若歌者節拍不  
可促斯爲正始蓋尺幅之中一題一義求之而彌有  
濬之而彌新因歎聖賢之言無窮若是而其法之精  
微曲折亦有卒世不能究者焉

馮具區云評文體者極言平淡矣平淡可易言哉坡  
公云漸老漸熟乃造平淡非平淡也絢爛之極也平  
淡必始於神奇而僞平淡則反神奇今之士薄僞平  
淡競趨僞神奇而衡文者又薄僞神奇并收僞平淡

真

國

賓

蓋兩失之。故余衡士不亟體之正而亟真。真如種子一粒入土。時至氣行。將暢爲枝葉。騰爲菁華。此何惡於神奇而薄之薄真。神奇吾以爲必不識真。平淡馮常伯云。股法變化則體圓。句法頓挫則股圓。字法輕新則句圓。

宗履庵云。題上字一字不可遺。題中意一意不可少。按文有賓主。昔洞山曰。賓主主中主。賓中賓。賓中主。主中賓。故曰我向正位中來。爾向賓位中接。文章亦然。一部莊子莫非寓言。並無一句犯正位。然未嘗一

主人 供張 煙 鐘鼓 寒瑟 非賓 不離

句離正位。若一犯正位。則如逍遙齊物秋水諸篇。正意不過數言。可竟何得蔓衍恢奇。乃爾。何謂正位。正位者。主也。如君王拱默。而公卿部府承奉之。詩則賦爲主。比興皆賓也。易則義畫爲主。六爻皆賓也。以時文論。題爲主。文爲賓。實講爲主。虛講爲賓。兩股中或一股賓。一股主。一股中或一句賓。一句主。一句之中或一二字賓。一二字主。明暗相參。生殺互用。文之妙也。故或進前一步。或退後一步。皆謂之賓。或斤斤講而題意反不透露。是以有高品俗品之分也。

李九我云。今天下之文競趨於奇矣。夫文安所事奇爲哉。古聖賢所爲文。若典謨訓誥風雅禮樂之詞。明白如日月。正大如山嶽。渾乎如大圭。冲乎如太羹。玄酒而其和平雅鬯。如奏英韶於清廟明堂之上。金石相宣。宮商相應。清濁高下。莫不中音也。惡觀所謂奇者哉。彼爲奇者。其立意固薄簡易卑平淡。將跨躍區宇。超軼前人。以文雄於時。而不知其爲病也。快隱宗玄。襍取異端奇袤之說。以恣其夸。正學之謂何。則理病。務窮窅晦。闡其詞。令人三四讀不能通曉。以是



爲深沉之思。則意病。信屈聲牙。至不能以句。若繁腐。  
木濕鼓然。則聲病。決裂餽餽。離而不屬。澁而不貫。則  
氣病。而習尚頗僻。不軌於正途。令大雅之風爲斷。則  
又爲世道病。而皆起于奇之好。夫文安所事奇爲哉。  
范光父云。近來作者入古則太乾。投時則太淺。然必  
語語從史漢中來。而陶洗融洽。打成一片。此真所謂  
四筵獨坐俱驚者也。

吳因之云。學者多以看書作文。分爲二項。故二者胥  
失之。不知二者雖有操觚與不操觚之辨。總之去肉。

論

笑  
聿

見骨去骨見髓要以得解而止非有二也夫書義有  
思之而卽得者有思之竟日而後得者有明日又思  
之而後得者有力量未到累日思之不可通停閣三  
月五月之後識見增進或重思之或他書偶相觸發  
而恍然有得者始也無從而疑旣也疑究也不勝其  
疑至於不勝疑而悟之門啟矣愈悟則愈疑愈疑亦  
愈悟故學者非悟之難而疑之難也其所疑與悟者  
何物也是心竅中之生機也機觸則引而益長竅開  
則迎而輒解故隨其所值皆可推類以盡其餘真有

識

日異而月不同之妙。○文字增一分見不如增一分  
識。識愈高則文愈澹。識愈卑則伎倆愈多。至於伎倆  
愈多而品愈下而不足。故外有餘此理自然無足怪  
者。惟平日善看書則識進。識進則臨時迅手拈來頭  
頭是道。整容斂襟而談亦可。嘻怒笑罵而談亦可。雄  
猛如鉅鹿一戰亦可。閒暇如圍棋賭墅亦可。簡峻如  
片言折獄亦可。一滾而出如萬斛之泉亦可。循規蹈  
矩亦可。忽入九天忽潛九地亦可。橫行直撞不離這  
箇區區左顧右盼無所用之。故夫無修辭之擾無敷

衍補輟之勞省除一切勞苦而歸諸至易至簡者無如識識之於文也。一網舉而萬目張彼操觚者奈何不務一了百當顧屑屑焉趨其所爲用力多而成功寡者哉故術不可不慎也

湯霍林曰當酣思之時題內外無字可設但筆下不下時覺微有合處及成人以譽我與我所思所合又覺縣甚始嘆作者閱者並難也

微雲淡河漢疎雨滴梧桐謂是人境文境苦心者當自得之

題非諸生非主司所造也。安得諸生主司妄自立意。但經書中必無一字無意義者。閒取書目最易曉解者。冥思之。隱隱別有理會。質之訓詁。亦微在同不同。可說不可說之間。今人政患不索意耳。一二俗惡語。今人習如土音。貫脫於口。遂不暇擇。余謂禁時語。不如勸人多讀書。胸中有古人書。自可不用今語。讀古人書。會古人意。併可不用古語也。

嘉靖之季。舉子之文。支離冗長。如蔓草。大費芟除。隆萬之間。漸歸雅馴矣。

王荆石曰。嘗歎世有大欺而習焉不察者。夫今主司之程士。其有不撻吭談成弘之際者乎。其亦有以成弘之文課子弟者乎。士之字雕句績。剽獵諸子。二氏之唾餘。見謂弗收。至主司自爲辭。非諸子。二氏無取也。籍具在此。可謂不欺否。

## 議

詩云、周爰諮謀。謂徧於咨議也。周易節卦曰、君子以制度數。議德行。周書曰、議事以制。政乃弗迷。議貴節制。經典之體也。

秦李斯上始皇帝罷封建議。漢韋玄成奏罷郡國廟議。

說文曰、議語也。又曰、難論也。

古者國有大事、必集羣臣而廷議之。交口往復、務盡其情。若罷鹽鐵、擊匈奴是已。厥後下公卿議、乃始撰

詞書之簡牘以進而學士偶有所見又復私議於家  
或訂古由是議寢盛焉大諦在於據經析理審時度  
勢文以辯潔爲能不以繁縟爲巧事以明覈爲美不  
以深隱爲奇爾面議之詞不分爲奏議私議二體以  
垂式焉若夫遡流而窮源當求諸史書耳若夫謚議  
別爲一體

文心曰周爰諮謀是謂爲議議之言宜審事宜也昔  
管仲稱軒轅有明臺之議洪水之難堯咨四岳宅揆  
之舉舜疇五人三代所興詢及芻蕘春秋釋宋魯桓



務議及趙靈胡服而季父爭論商鞅變法而甘龍交  
辨雖憲章無算而同異足觀迄今有漢始立駁議駁  
者雜也雜議不純故曰駁也自兩漢文明楷式昭備  
藹藹多士發言盈庭若賈誼之通代諸生可謂捷於  
議也至如主父之駁挾弓安國之辨匈奴賈捐之陳  
於朱崖劉歆之辨於祖宗雖質文不同得事要矣若  
乃張敏之斷輕侮郭躬之議擅誅程曉之駁校事司  
馬芝之議貨錢何曾蠲出女之科秦秀定賈充之謚  
事實允當可謂達議體矣漢世善駁則應劭爲首晉

代能議則傳咸爲宗然仲瑗博古而銓貫有叙長虞  
識治而屬辭枝繁及陸機斷議亦有鋒穎而腴辭弗  
剪頗累文骨亦各有美風格存焉夫動先擬議明用  
稽疑所以敬慎羣務弛張治術故其人大體所資必  
樞紐經典採故實於前代觀通變於當今理不謬搖  
其枝字不妄舒其藻又郊祀必洞於禮戎事必練於  
兵佃穀先曉於農斷訟務精於律然後標以顯義約  
以正辭文以辨潔爲能不繁縟爲巧事以明覈爲美  
不以深隱爲奇此綱領大要也若不達政體而舞筆

弄文支離構辭穿鑿會巧苟空騁其華固爲事實所  
擯設得其理亦爲遊辭所埋昔秦女嫁晉從文衣之  
媵晉人貴媵而賤女楚珠鬻鄭爲薰桂之櫝鄭人買  
櫝而還珠若文浮於理末勝其本則秦女楚珠復在  
於茲矣

# 駁

駁漢侍中吾丘壽王駁公孫弘禁民不得挾弓弩議  
山海經曰有獸名駁如白馬黑尾倨牙音如鼓食虎  
豹漢興始立駁議雜議不純故謂之駁

李充翰林論曰駁不以華藻爲先世傳傳長虞每奏  
事爲邦之司直矣

晉書曰稽傳曰陳淮薨太常奏謚紹駁曰謚號所以  
垂之不朽大行受大名細行受細名文武顯於功德  
靈厲表其闇蔽自頃禮官協情謚不依本準謚爲過

宜謚曰繆事下太常時雖不從朝庭憚焉

唐書李藩爲給事中勅制有不可遂於黃勅後駁之吏曰宜別連白紙藩曰別以白紙是文狀豈曰勅也今六科抄叅大理評駁多準古義然貴明允而尚典輿語曰犀不駁不珍駁之關係大非鮮小

牒

牒漢臨淮太守路溫舒牧羊澤中時截蒲爲牒編用  
寫書文心雕龍曰政議未定短牒咨謀

今之官府平行用牒文

# 公移

公移者諸司相移之詞也其名不一故以公移括之  
唐世凡下達上其制有六曰狀百官於其長亦爲之  
曰辭庶人言爲辭曰牒有品已上公文皆稱牒諸司  
自相質問其義有三曰關謂關通其事也曰刺謂刺  
舉之也曰移謂移其事於他司也宋制宰執帶三省  
樞密院事出使者移六部用劄六部移宰執帶三省  
樞密院事出使者及從官任使副移六部用申狀六  
部相移用公牒

今制上逮下者曰照會。曰劄付。曰案驗。曰帖。曰故牒。下達上者曰咨呈。曰案呈。曰呈。曰牒呈。曰申。諸司相移者曰咨。曰牒。曰關。上下通用者曰揭帖。

劉勰曰。移者易也。移風易俗。令往而民隨者也。相如之難。蜀老文曉而踰博。有移檄之骨焉。及劉歆之移太常。辭剛而義辨。文移之首也。陸機之移百官。言約而事顯。武移之要者也。故檄移爲用。事兼文武。其入金革。則逆黨用檄。順命資移。所以洗濯民心。堅同符契。意用小異而體義大同。與檄參五。故不重論也。



# 判

斷獄  
選士

韻會云判斷也。古者折獄以五聲聽訟致之於刑而已。秦人以吏爲師。專尚刑法。漢承其後。雖儒吏並進。然斷獄必貴引經。尙有先王議制。春秋著意之微旨。其後乃有判詞。唐制選士判居其一。則其用彌重矣。故今所傳如稱某某有姓名者。則斷獄之詞也。稱甲乙無姓名者。則選士之詞也。要之折法據理。參以人情。雖曰彌文而去古不遠。獨其文堆垛故事。不切於蔽罪。拈弄辭華。不歸於律格。爲可惜耳。唯宋王回脫

去四六純用古文庶乎能起二代之衰而後人不能  
用今世理官斷獄例有叅詞而設科取士亦試以判  
其體皆用四六則其習由來久矣曰科罪曰評允曰  
辯雪曰番異曰判罷曰判留曰駁正曰駁審曰未減  
曰案寢曰案候曰褒嘉凡若此類多便理官而不切  
於應舉蓋選士以律條爲題止於科罪亦唐制之遺  
也

唐張鷟有龍筋鳳髓華于文而不麗于律古意遠矣

# 笏記

記曰造受命於君前則書笏。笏度二尺有六寸。其中博三寸。其殺六分而去一。凡命婦入朝則書其夫之爵及姓名于笏。上問則以笏對。

按笏雖有文而無定體。

續文獻通考曰。笏勿也。君有教命及所啓白則書之。備忽忘也。

笏記

陳同父笏記曰。寤寐英賢。帝心如渴。僥覩富貴。士氣若登。冀十五之得人。而千一之遇主。叨逢則幸。報稱

謂何恭惟皇帝陛下日照天臨海涵地負朋來濟濟各自奮于明時網設恢恢不遐遺于片善矧咸奔走翕受敷施臣等牽連得書徒採語言之小異次第就役孰輸筋力之小勞仰戴深仁俯慚微分

劉昌縣簡瑣探曰笏囊唐故事公卿皆搢笏于帶而後乘馬張九齡獨常使人持因設笏囊自九齡始今惟自便無所謂故事夫九齡使人持笏有囊而世因置笏囊乃知古人舉動不苟如此蓋亦以藏記也

勸進

勸進魏尚書令荀攸勸魏王進文宋彭城王義康曰  
謝述勸吾退劉湛勸吾進述亾湛存吾所以得罪也